



Akcija **SIPA-e** po nalogu Tužilaštva BiH **Uhapšeni zbog izborne prevare**

Policijски službenici Državne agencije za istrage i zaštitu (**SIPA**) uhapsili su jučer 37-godišnjeg Sinišu Dodika i 48-godišnjeg Radenka Mirkovića zbog sumnje da su počinili krivično djelo izborna prevara, a radi se o nezakonitostima tokom proteklih lokalnih izbora u općini Istočna Ilidža.

Dodik i Mirković su, inače, članovi Saveza nezavisnih socijaldemokrata (SNSD), a obojica su trenutno pod istragom Tužilaštva BiH i **SIPA-e**. Za krivično djelo za koje se Dodik i Mirković sumnjiče, predviđena je kazna od šest mjeseci do pet godina zatvora. Prema podacima CIN-a, Dodik se SNSD-u priključio 1998. godine, a četiri godine kasnije postaje predsjednik Mladih SNSD-a Istočna Ilidža. Ovu funkciju on je obavljao do 2005. godine,



SINIŠA DODIK

kada postaje predsjednik Izvršnog odbora SNSD-a Istočna Ilidža. U Narodnoj skupštini RS-a osvojio je mandate na izborima 2006. i 2010. godine. Dodik se na Općim izborima 2014. bezuspješno kandidirao za državni parlament BiH. Uhapšeni Radenko Mirković inače je SNSD-ov vijećnik u Skupštini općine Istočna Ilidža. **B. P.**